

THEATRVM VERITATIS, ET IVSTITIAE

SIVE
DECISIVI DISCVRSVS

Ad veritatem editi, in forensibus controuerſijs, Canonicis, & Ciuilibus
in quibus, in Vrbe Aduocatus, pro vna partium ſcripſit,
vel conſultus reſpondit

IO. BAPTISTA DE LVCA
VENVSINVS.

*Per materias, ſcè titulos diſtincti, iuxta proximam indicem,
poſt præfationem.*

LIBER DECIMVSQVINTVS

PAR. I.
DE IVDICIIS, ET DE PRAXI CVRIÆ ROMANÆ.

PAR. II.
RELATIO ROMANÆ CVRIÆ FORENSIS, EIVSQVE
TRIBVNALIVM, ET CONGREGATIONVM.



ROMAE,

Typis Hæredum Corbelletti. M.DC.LXXIII.

SUPERIORUM PERMISSU.



INDICIALIS

FORI PROFESSORIBVS

A V C T O R .



Iudiciorum, Romanæque Curiaë praxis, ac Relationis, volumen hoc, quo meum VERITATIS, ET IVSTITIÆ THEATRVM perficitur; Vobis dirigi congruit, Iudicum, ac Defensorum personam agentibus, cum omnibus æqua lance congruat. Stylum autem, ab illo aliorum voluminum diuersum, super generica, non autem indiuidua casuum, ac rerum tractatione, subiectæ materiaë tribuite. Alteram verò diuersitatem, loquendi continuata oratione, citrà allegationum intersecationem, genio condonate; Aliquas tamen auctoritates, prò sufficienti lumine, meo Amanuensi in glosis marginalibus indicante; Vobis enim scientibus legem loquor; Alios verò diuersi generis professores, vt alios, eorum capacitati magis oportunos quærant scriptores, moneo.

DE IUDICIIS

DISCURSUS PRIMVS

GENERALIS

De Iudiciorum diuisione, variisque generibus, vel respectiue speciebus, et in quibus Iudicium consistat; Et de quo Iudiciorum genere agatur in præfenti; Cum alijs proemialibus ad materiam.

SUMMARIVM

- 1 **A**D quid iudicia inuenta sunt.
- 2 Aliud est iudicium civile, & aliud criminale.
- 3 Quæ proprie dicantur iudicia publica, & quæ priuata.
- 4 Adesse solent iudices civiles, criminales distinguuntur, ut unus in alio causarum genere se non ingerat.
- 5 De distinctione causarum civilium, & ecclesiasticarum, seu canonicarum, sed quod omnes veniant sub nomine civilium ad differentiam criminalium.
- 6 De qua iudiciorum specie hic agatur nempe civilium, & de ratione cur de criminalibus non agatur, nisi incidenter.
- 7 De quibus Auctor agat in toto opere Theatri.
- 8 Quare mutetur ordo solitus in hoc volumine.
- 9 De ratione, ob quam in alijs voluminibus agatur de casibus particularibus.
- 10 De generalibus distinctionibus, vel prænotationibus remissivè.
- 11 Quale sit iudicium ordinarium.
- 12 In hoc iudicio sententia sine libello, & absque terminis substantialibus est nulla.
- 13 Termini substantialis seruari in iudicio summario, illud faciunt ordinarium.
- 14 In iudicio ordinario intrat appellatio suspensiva.
- 15 Qualis sit causa summaria.
- 16 Aliud est causam esse summariam, & aliud

est esse executiuam.

- 17 Aliud est iudicium personale, & aliud reale, & quale sit personale, vel reale.
- 18 Aliud est petitorium, & aliud possessorium, & quale sit unum, vel alterum.
- 19 De possessorio adipiscenda, seu inmissio- nis, in quibus casibus intret, plura- que remedia adipiscenda recensentur.
- 20 De altero reintegranda, seu recuperanda.
- 21 De possessorio retinenda, seu manutentionis, & quando sit summarium, & executiuum.
- 22 De distinctione inter causas temporales, & spirituales.
- 23 Quæ sint causæ spirituales distinguitur.
- 24 De distinctione inter iudicium ordinarium, & delegatum.
- 25 De causis extra figuram iudicij.
- 26 De alijs distinctionibus remissivè.
- 27 Ex quibus iudicium constet nempe de actore, reo, & iudice.
- 28 De Principe, vel Fisco in causa propria.

DISC. I.

Iudicia omnia, aut dirimendarum controuersiarum, aut puniendorum malefactorum causa comparata esse, admonet Cicero in oratione pro Cæcina, quem communiter laudant Institutionum interpretes (quorum vnum dixisse sufficiat, ad hoc ut omnes repetant)

De Iudicijs A tant)